

四庫全書

子部

欽定四庫全書

子部

歷代名畫記卷二

詳校官中書臣王鵬

檢討臣德生覆勘

總校官檢討臣何思鈞

校對官中書臣孫溶

謄錄監生臣龍錫

欽定四庫全書

子部八

歷代名畫記

藝術類一 書畫之屬

提要

臣等謹案歷代名畫記十卷唐張彥遠撰嘗
自稱家世藏法書名畫收藏鑒識自謂有一
日之長案唐書稱彥遠祖宏靖家聚書畫俾
祕府李綽尚書故實亦多記張氏書畫名迹
足證自序之不誣故是書述所見聞極為賅

備前三卷皆畫論一叙畫之源流二叙畫之
興廢三叙自古畫人姓名四論畫六法五論
畫山水樹石六論傳授南北時代七論顧陸
張吳用筆八論畫體工用搨寫九論名價品
第十論鑒識收藏閱玩十一序自古跋尾押
署十二叙自古公私印記十三論裝褙標軸
十四記兩京外州寺觀畫壁十五論古之秘
畫珍圖自第四卷以下皆畫家小傳然即第

一卷內所錄之三百七十人既具列其傳于後則第一卷內所出姓名一篇殊為繁複疑其書初為三卷但錄畫人姓名後裒輯其事迹評論續之于後而未刪其前之姓名一篇故重出也書中徵引繁富佚文舊事徃徃而存如顧愷之論畫一篇魏晉勝流名畫讚一篇畫雲臺山記一篇皆他書之所不載又古書畫中褚氏書印乃別一褚氏非遂良之迹

可以釋石刻靈飛經前有褚氏一印之疑亦他書之所未詳即其論杜甫詩幹惟畫肉不畫骨句亦從來注杜詩者所未引則非但鑒別之精其資考證者亦不少矣晁公武讀書志別載彥遠名畫獵精六卷記歷代畫工名姓自始皇以降至唐朝及論畫法并裝褙裱軸之式鑒別閱玩之方毛晉刻是書跋謂彥遠自序止云歷代名畫記不及此書意其大

畧相似考郭若虛圖畫見聞志叙諸家文字
列有是書註曰無名氏撰其次序在張懷瓘
畫斷之後李嗣真後畫品錄之前則必非彥
遠之作晁氏誤也乾隆四十六年十二月恭
校上

總纂官臣紀昀臣陸錫熊臣孫士毅

總校官臣陸費墀

欽定四庫全書

歷代名畫記卷一

唐 張彥遠 撰

叙畫之源流

夫畫者成教化助人倫窮神變測幽微與六籍同功四
時並運發於天然非繇述作古先聖王受命應籙則有
龜字効靈龍圖呈寶自巢燧以來皆有此瑞迹映乎瑤
牒事傳乎金冊庖犧氏發於滎河中央籍圖畫萌矣軒

轅氏得於溫洛中史皇蒼頡狀鳥奎有芒角下主辭章
頡有四目仰觀聖象因儷鳥龜之跡遂定書字之形造
化不能藏其秘故天雨粟靈怪不能遁其形故鬼夜哭
是時也書畫同體而未分象制肇創而猶略無以傳其
意故有書無以見其形故有畫天地聖人之意也按字
學之部其體有六一古文二奇字三篆書四佐書五繆
篆六鳥書在幡信上書端象鳥頭者則畫之流也

漢末大司

空甄豐按字體有六書古文即孔子壁中書奇字即古文之異者篆書即小篆也佐書秦隸書也繆篆所以篆

印璽也鳥書即幡信
上作蟲鳥形狀也

顏光祿云圖載之意有三一曰圖

理卦象是也二曰圖識字學是也三曰圖形繪畫是也

又周官教國子以六書其三曰象形則畫之意也是故

知書畫異名而同體也

周禮保章氏掌六書指事繇聲
象形會意轉注假借皆蒼頡之

遺法也洎乎有虞作繪繪畫明焉既就彰施仍深比象於

是禮樂大闡教化繇興故能揖讓而天下治煥乎而詞

章備廣雅云畫類也爾雅云畫形也說文云畫畛也象

田畛畔所以畫也釋名云畫挂也以彩色挂物象也故

鼎鐘刻則識魑魅而知神姦旂章明則昭軌度而備國
制清廟肅而罇彝陳廣輪度而疆理辨以忠以孝盡在
於雲臺有烈有勲皆登於麟閣見善足以戒惡見惡足
以思賢留乎形容式昭盛德之事具其成敗以傳既往
之蹤記傳所以叙其事不能載其容賦頌有以詠其美
不能備其象圖畫之制所以兼之也故陸士衡云丹青
之興比雅頌之述作美大業之馨香宣物莫大於言存
形莫善於畫此之謂也善哉曹植有言曰觀畫者見三

皇五帝莫不仰戴見三季異主莫不悲惋見篡臣賊嗣
莫不切齒見高節妙士莫不忘食見忠臣死難莫不抗
節見放臣逐子莫不歎息見姪夫妒婦莫不側目見令
妃順后莫不嘉貴是知存乎鑒戒者圖畫也昔夏之衰
也桀為暴亂太史終抱畫以奔商殷之亡也紂為淫虐
內史摯載圖而歸周燕丹請獻秦皇不疑蕭何先收沛
公乃王圖畫者有國之鴻寶理亂之紀綱是以漢明宮
殿贊茲粉繪之功蜀郡學堂義存勸戒之道馬后女子

尚願戴君於唐堯石勒羯胡猶觀自古之忠孝豈同博奕用心自是名教樂事余嘗恨王充之不知言云人觀圖畫上所畫古人也視畫古人如視死人見其面而不若觀其言行古賢之道竹帛之所載燦然矣豈徒墻壁之畫哉余以此等之論與夫大笑其道詬病其儒以食與耳對牛鼓簧又何異哉

叙畫之興廢

圖畫之妙爰自秦漢可得而記降于魏晉代不乏賢洎

乎南北哲匠間出曹衛顧陸擅重價於前董展孫楊垂
妙迹于後張鄭兩家高步於隋室大安兄弟首冠於皇
朝此蓋尤所烜赫也世俗知尚者其餘英妙今亦殫論
漢武創置秘閣以聚圖書漢明雅好丹青別開畫室又
創立鴻都學以集竒藝天下之藝雲集及董卓之亂山
陽西遷圖畫縑帛軍人皆取為帷囊所收而西七十餘
乘遇雨道艱半皆遺弃魏晉之代固多藏蓄胡寇入洛
一時焚燒宋齊梁陳之君雅有好尚晉遭劉曜多所毀

散重以桓玄性貪好奇天下法書名畫必使歸已及玄篡逆晉府真迹玄盡得之何法盛晉中興書云劉牢之遣子敬宣詣玄請降玄大喜陳書畫共觀之玄敗宋高祖先使臧喜入宮載馬南齊高帝科其尤精者錄古來名手不以遠近為次但以優劣為差自陸探微至范惟賢四十二人為四十二等二十七秩三百四十八卷聽政之餘旦夕披玩梁武帝尤加寶異仍更搜葺元帝雅有才藝自善丹青古之珍奇充物內府侯景之亂太子

綱數夢秦皇更欲焚天下書既而內府圖書數百函果
為景所焚也及景之平所有畫皆載入江陵為西魏將
于謹所陷元帝將降乃聚名畫法書及典籍二十四萬
卷遣後閣舍人高善寶焚之帝欲投火俱焚宮嬪牽衣
得免吳越寶劍並將斫柱令折乃歎曰蕭世誠遂至于
此儒雅之道今夜窮矣于謹等於煨燼之中收其書畫
四千餘軸歸于長安故顏之推觀我生賦云人民百萬
而囚虜書史千兩而煙颺史籍已來未之有也溥天之

下斯文盡喪陳天嘉中陳主肆意搜求所得不少及隋
平陳命元帥記室叅軍裴矩高頴收之得八百餘卷隋
帝於東京觀文殿後起二臺東曰妙楷臺藏自古法書
西曰寶蹟臺收自古名畫煬帝東幸揚州盡將隨駕中
道船覆大半淪弃煬帝崩並歸宇文化及化及至聊城
為竇建德所取留東都者為王世充所取聖唐武德五
年尅平僭逆擒二僞主兩都秘藏之迹維揚扈從之珍
歸我國家焉乃命司農少卿宋遵貴載之以船泝河西

上將至京師行經砥柱忽遭漂沒所存十七一二

國初內庫

只有三百卷並隋朝以前相承御府所寶

太宗皇帝特所耽玩更於人間購

求天后朝張易之奏召天下畫工修內庫圖畫因使工人各推所長銳意模寫仍舊裝背一毫不差其真者多歸易之易之誅後為薛少保稷所得薛歿後為岐王範所得

玄宗弟諡惠文太子

王初不陳奏後懼乃焚之時薛少保與

岐王範石泉公王方慶家所蓄圖書皆歸於天府祿山之亂耗散頗多肅宗不甚保持頒之貴戚貴戚不好鬻

於不肖之手物有所歸聚于好事之家及德宗艱難之後又經散失甚可痛也自古兵火亟焚江波屢鬪年代寢遠失墜彌多儻時君之不尚則闕其搜訪非至人之賞玩則未辨妍蚩所以駿骨不來死鼠為璞嗟乎今之人衆甄鮮至此道尤哀未曾誤點為蠅惟見不成類狗彘遠家代好尚高祖河東公曾祖魏國公相繼鳩集名迹先是魏國公與司徒汧公李勉並佐霍國公關內三軍幕府王思禮霍公平定兩京魏公之策也魏公與汧公因

其同寮遂成久要並列藩閭齊居台衡雅會襟靈琴書

相得沂公博古多藝窮精蓄竒魏晉名蹤盈於篋笥許

詢逸少經年共賞山泉謝傳戴逵終日惟論琴畫

沂公任南

海日於羅浮山得片石沂公子兵部員外郎約又於潤州海門山得雙峰石並為好事所寶悉見傳授又沂公手斲雅琴尤佳者曰響泉曰韻聲沂公在滑州魏公在西川金玉之音山川亡間盡緘瑤匣以表嘉貺西川幕客司空曙賦曰白雪高吟際青霄遠望中誰言路遐曠官徵暗相通時沂公并寄重寶琴解及琴薦咸在焉

大父高平公與愛弟主客員外郎

彥遠叔祖名諱

及沂公愛子

纘祠部弟約

兵部員外郎字存博

更叙通舊遂契忘言遠同莊

惠之交近得荀陳之會大門請纘為判官約與主客皆
高謝榮宦琴尊自樂終日陶然士流企望莫及也繇是
萬卷之書盡歸王粲一厨之畫恒寄桓玄李兵部又於

江南得蕭子雲壁書飛白蕭字匣之以歸洛陽授余叔

祖致之修善里構一亭號曰蕭廡

王涯相倚權勢員之
而趨太和末為亂兵

所壞其蕭字本末具
余所撰法書要錄中

元和十三年高平公鎮太原不能

承奉中貴為監軍使內官魏弘簡所忌無以指其瑕且

驟言於憲宗曰張氏富有書畫遂降宸翰索其所珍惶

駭不敢緘藏科簡登時進獻乃以鍾張衛索真迹各一卷二王真迹各五卷魏晉宋齊梁陳隋雜迹各一卷顧陸張鄭田楊董展洎國朝名手畫合三十卷表上曰伏以前代帝王多求遺逸朝觀夕覽收鑒於斯陛下睿聖欽明凝情好古聽政之暇將以怡神前件書畫歷代共寶是稱珍絕其陸探微蕭史圖妙冠一時名居上品所希睿鑒別賜省覽又別進玄宗馬射真圖

永寶府司馬陳闕畫表

曰玄宗天縱神武藝冠前王凡所游畋必存繪事豈止

雲夢殪兕楚人美旌蓋之雄潯陽射蛟漢史稱舳艫之
盛前件圖臣瞻奉先靈素所寶惜陛下旁求珍迹以備
石渠祖宗之美敢不獻呈

掌書記監察御史李德裕制詞

手詔荅曰卿

慶傳台鉉業嗣弓裘雄詞冠於一時奧學窮乎千古圖
書兼蓄精博兩全別進玄宗馬射真圖恭獲披捧瞻拜
感咽聖靈如臨其鍾張等書顧陸等畫古今共寶有國
所珍朕以視朝之餘得以寓目因知丹青之妙有合造
化之功欲觀象以省躬豈好竒而玩物况煩章奏嘉歎

良深其書畫並收入內庫世不復見其餘者長慶初大
父為內貴魏弘簡門人宰相元稹所擠出鎮幽州遇朱
克融之亂皆失墜矣非戎虜所愛及事定頗有好事購
得之彥遠時未齟歲恨不見家內所寶其進奉之外失
墜之餘存者纔二三軸而已雖有豪勢莫能求旃嗟爾
後來尤須靳固宜抱漆書而興歎莫將棊柿以藩身聊
因瑕日編為此記且撮諸評品用明乎所業亦探於史
傳以廣其所知

後漢孫暢之有述畫記梁武帝陳姚最
謝赫隋沙門彥悰唐御史大夫李嗣真

秘書正字劉整著作郎顧况並兼有畫評中書舍人裴孝源有畫錄竇蒙有畫拾遺錄率皆淺薄漏畧不越數紙僧惺之評最為謬誤傳寫又復脫錯殊不足看也如宋朝謝希逸陳朝顧野王

之流當時能畫評品不載詳之近古遺脫至多蓋是世

上未見其蹤又述作之人不廣求耳嗚呼自古忠孝義

烈湮沒不稱者曷勝記哉况書畫耶聖唐至今二百三

十年竒藝者駢羅耳目相接開元天寶其人最多何必

六法俱全

六法解
在下篇

但取一技可採

謂或人物或屋宇或
山水或鞍馬或鬼神

或花鳥各
有所長

自史皇至今大唐會昌元年凡三百七十餘

人編次無差銓量頗定此外旁求錯綜心目所鑒言之
無隱將來者有能撰述其或繼之時大中元年歲在丁

卯

叙歷代能畫人名

自軒轅至唐會昌
凡三百七十人

軒轅時一人

史皇

周一人

封膜

齊一人

敬君

秦一人

烈裔

前漢六人

毛延壽

陳敞

劉白

龔寬

陽望

樊育

後漢六人

趙岐

劉褒

蔡邕

張衡

劉旦

楊魯

魏四人

曹髦

楊脩

桓範

徐邈

吳二人

曹不興

吳王趙夫人

蜀二人

諸葛亮

亮子
瞻

晉二十三人

明帝

荀勗

張墨

衛協

王廙

王羲之

子獻
之

康昕

顧愷之

史道碩

謝稚

夏侯瞻

嵇康

溫嶠

謝巖

曹龍

丁遠

楊惠

江思遠

王濛

戴逵

逵子叔
敦弟顯

宋二十八人

陸探微

探微子綏
綏弟弘肅

顧寶光

宗炳

王微

謝莊

袁倩
倩子
實

史敬文

史藝

劉斌

尹長生

顧駿之

康允之

顧景秀

吳暕

張則

劉盾祖
弟紹祖
子璞

蔡斌

濮萬年
弟道
興

史粲

朱僧辯

褚靈石

范惟賢

南齊二十八人

宗測

劉係宗

姚曇度

子釋惠覺

蘧道愍

甥沙門僧珍

章繼伯

范懷珍

鍾宗之

王奴

王殿

戴蜀

陳公思

陶景真

張季和

沈標

謝赫

沈粲

丁光

周曇研

謝惠連

謝約

虞堅

丁寬

劉瑱

毛惠遠

弟惠秀
子稜

梁二十人

元 帝

子方等

蕭大連

蕭 賁

陸 杲

陶弘景

張僧繇

子善果善果弟儒童

袁 昂

焦寶願

嵇寶鈞

聶 松

解 倩

陸 整

江僧寶

僧威公

僧吉底俱

僧摩羅菩提

僧迦佛佗

陳一人

顧野王

後魏九人

蔣少遊

郭善明

侯文和

柳儉

閔文和

郭道興

楊乞德

王由

祖班

北齊十人

高孝珩

蕭放

楊子華

田僧亮

劉殺鬼

曹仲達

殷英童

高尚士

徐德祖

曹仲璞

後周一人

馮提伽

隋二十一人

閻毗

何稠

劉龍

龍弟
袞

展子虔

鄭法士

弟法翰
子德文

孫尚子

董伯仁

楊契丹

劉烏

陳善見

江志

李雅

王仲舒

閻思光

解 悰

程 瓚

尉遲跋質那

僧曇摩拙叉

唐二百六人

漢王元昌

弟韓王元嘉
滕王元嬰

閻立德

弟立
本

張孝師

范長壽

何長壽

尉遲乙僧

劉孝思

靳智翼

王定

梁寬

吳智敏

康薩陀

王知慎

王韶應

檀智敏

楊須跋

趙武端

范龍樹

周烏孫

楊德紹

陳義

殷敘

殷季友

許琨

僧法明

錢國養

左文通

王陀子

牛昭

吳道子

張愛兒

楊惠之

員明

程進

韓伯通

竇弘果

毛婆羅

孫仁貴

金忠義

翟琰

李生

張藏

楊庭光

慮稜伽

姚景仙

武靜藏

董芎

陳靜心

弟靜
眼

程雅

楊坦

楊仙喬

解倩

馮紹正

姜皎

李思訓

弟思誨思誦子林甫林甫弟昭道林甫姪湊

薛稷

郎餘令

曹元廓

劉行臣

暢

璿子明瑾

楊寧

楊昇

張萱

尹琳

李仲昌

李嗣真

韋無忝弟無繼

朱抱一

竺元標

蔡金剛

毛嵩

姚彥山

程遜

董好子

楊樹兒

耿純

任貞亮

陸庭曜

暢整

李相國

陳慙

劉智敏

史晟

何君墨

京元成

崔霞

冷元琇

馬光業

李蠻子

馬樹鷹

祝丘

潘細衣

周子敬

段去惑

僧智瑰

殷令名

殷聞禮

子仲容

談皎

僧金剛三藏

張遵禮

王紹宗

宋令文

司馬承禎

盧鴻

釋脩然

鄭虔

鄭逾

曹霸

李果奴
果奴孫
士昉

韓幹

孔榮

陳闕

孟仲暉

杜景祥

王允之

王維

張諲

劉方平

王熊

王象

田琦

竇師綸

江都王緒

李逖

李平鈞

崔陽元

李炅

張維亘

李滔

張通

耿昌言

弟昌期

周古言

嚴杲

楊德本

具俊

李韶

魏晉孫

蒯廉

白旻

韓嶷

子文
蕭

陳庭

高江

車道政

滕王湛然

齊皎

皎弟
映

朱審

王宰

畢宏

楊炎

史瓚

裴諝

韋鑿

弟鑿
子鷗

張璪

陳曇

顧况

沈寧

劉商

劉整

劉之奇

邊鸞

于錫

強頴

梁廣

陳庶

陳恪

恪子
積善

戴重席

劉之章

周昉

趙博文

兄博宣

王拙

鄭寓

韓滉

戴嵩

嵩弟
嶧

李

漸子仲和

蕭祐

周太素

麴庭

蕭悅

張志和

侯莫陳履

僧道芬

鄭町

梁洽

項容

吳恬

王默

論畫六法

昔謝赫云畫有六法一曰氣韻生動二曰骨法用筆三曰應物象形四曰隨類賦彩五曰經營位置六曰傳模移寫自古畫人罕能兼之彥遠試論之曰古之畫或遺其形似而尚其骨氣以形似之外求其畫此難與

俗人道也今之畫縱得形似而氣韻不生以氣韻求其畫則形似在其間矣上古之畫迹簡意澹而雅正顧陸之流是也中古之畫細密精緻而臻麗展鄭之流是也近代之畫煥爛而求備今人之畫錯亂而無旨衆工之迹是也夫象物必在於形似形似須全其骨氣骨氣形似皆本於立意而歸乎用筆故工畫者多善書然則古之嬪孽纖而胸束古之馬喙尖而腹細古之臺閣竦峙古之服飾容曳故古畫非獨變態有奇意也抑亦物象

殊也至於臺閣樹石車輿器物無生動之可擬無氣韻之可侔直要位置向背而已顧愷之曰畫人最難次山水次狗馬其臺閣一定器耳差易為也斯言得之至於鬼神人物有生動之可狀須神韻而後全若氣韻不周空陳形似筆力未適空善賦彩謂非妙也故韓子曰狗馬難鬼神易狗馬乃凡俗所見鬼神乃譎怪之狀斯言得之至於經營位置則畫之總要自顧陸以降畫迹鮮存難悉詳之唯觀吳道玄之迹可謂六法俱全萬象畢

畫神人假手窮極造化也所以氣韻雄狀幾不容於纖
素筆迹磊落遂恣意於牆壁其細畫又甚稠密此神異
也至於傳模移寫乃畫家末事然今之畫人粗善寫貌
得其形似則無其氣韻具其彩色則失其筆法豈曰畫
也嗚呼今之人斯藝不至也宋朝顧駿之常結構高樓
以為畫所每登樓去梯家人罕見若時景融朗然後舍
毫天地陰慘則不操筆今之畫人筆墨混於塵埃丹青
和其泥滓徒汗絹素豈曰繪畫自古善畫者莫匪衣冠

貴胄逸士高人振鈔一時傳芳千祀非閭閻鄙賤之所
能為也

論畫山水樹石

魏晉以降名迹在人間者皆見之矣其畫山水則羣峰
之勢若鈿飾犀櫛或水不容泛或人大於山率皆附以
樹石映帶其地列植之狀則若伸臂布指詳古人之意
專在顯其所長而不守於俗變也國初二閭擅美匠學
楊展精意宮觀漸變所附尚猶狀石則務於雕透如水

澌斧刃繪樹則刷脉鏤葉多栖梧苑柳功倍愈拙不勝
其色吳道玄者天付勁毫幼抱神奧徃徃於佛寺畫壁
縱以怪石崩灘若可捫酌又於蜀道寫貌山水由是山

水之變始於吳成於二李

李將軍
李中書

樹石之狀妙於韋鷗

窮於張通

張璠
也

通能用紫毫秃鋒以掌摸色中遺巧飾

外若混成又若王右丞之重深楊僕射之奇瞻朱審之
濃秀王宰之巧密劉商之取象其餘作者非一皆不過
之近代有侯莫陳廈沙門道芬精緻稠沓皆一時之秀

也吳興郡南堂有兩壁樹石余觀之而歎曰此畫位置
若道芬迹類宗偃是何人哉吏對曰有徐表仁者初為
僧號宗偃師道芬則入室今寓於郡側年未衰而筆力
奮疾召而來徵他筆皆不類遂指其單複曲折之勢耳
剽心晤成若宿構使其凝意且啓幽襟迨乎構成亦竊
竒狀向之兩壁蓋得意深竒之作觀其潛蓄嵐瀨遮藏
洞泉蛟根束鱗危幹凌碧重質委地青飈滿堂吳興茶
山水石奔異境與性會乃召於山中寫明月峽因叙其

所見庶為知言知之者解頤不知者拊掌

歷代名畫記卷一

欽定四庫全書

歷代名畫記卷二

唐 張彥遠 撰

叙師資傳授南北時代

自古論畫者以顧生之迹天然絕倫評者不敢一二余見顧生評論魏晉畫人深自推挹衛協

衛協顧愷之並見第五卷即

知衛不下於顧矣只如狸骨之方右軍歎重龍頭之畫謝赫推高名賢許可豈肯容易後之淺俗安能察之詳

觀謝赫評量最為允愜姚李品藻有所未安

姚最李嗣真也

李

駁謝云衛不合在顧之上全是不知根本良可於悒只

如晉室過江王廙書畫為第一書為右軍之法畫為明

帝之師

晉平南將軍王廙字世將

今言書畫一向吠聲但推逸少明

帝而不重平南如此之類至多聊且舉其一二若不知

師資傳授則未可議乎畫今粗陳大略云至如晉明帝

師於王廙衛協師於曹不興顧愷之張墨荀勗師於衛

協

衛張同時并有畫聖之名

史道碩王微師於荀勗衛協戴逵師於

范宣

荀衛之後
范宣第一

達子敦敦弟顛師於父

已上

陸探微師

於顧愷之探微子綏弘肅並師於父顧寶光袁倩師於

陸倩子質師於父顧駿之師於張墨張則師於吳暕吳

暕師於江僧寶劉盾祖師於晉明帝盾祖弟紹祖子璞

並師於盾祖

已上
宋

姚曇度子釋惠覺師於父蘧道愍師

於章繼伯

蘧後勝
於章也

道愍甥僧珍師於道愍沈標師於謝

赫周曇妍師於曹仲達毛惠遠師於顧惠遠弟惠秀子

稜並師於惠遠

皆不及惠遠
已上南齊

袁昂師於謝張鄭

袁尤得
綺羅之

也抄張僧繇子善果儒童並師於父解倩師於聶松遠道

愍

道愍不
及解倩

焦寶願師於張謝江僧寶師於袁陸及戴

江長

於畫人
已上梁

田僧亮師於董展

田楊與董展聲價相侔
田楊鄭三人同時也

曹仲

達師於袁

袁勝曹已
上北齊

鄭法士師於張

張之
高足

法士弟法輪

子德文並師於法士

不及法
士也

孫尚子師於顧陸張鄭

尚子

鞍馬樹石幾
勝於法士

陳善見師於楊鄭

善見寫榻楊
鄭之迹不辨

李雅師於

張僧繇王仲舒師於孫尚子

已上
隋

二閻師於鄭張楊展

魚師於父
此在隋朝

范長壽何長壽並師於張

何劣
於范

尉遲乙僧

師於父

尉遲跋質那在隋朝

陳廷師於乙僧

乙僧外國陳廷次之

靳智翼師

于曹

曹創佛事畫佛有曹家樣張家樣及吳家樣

吳智敏師於梁寬

寬勝智敏

王

智慎師於閻

極類閻之迹而少劣

檀智敏師於董吳道子師於張

僧繇

又師於張孝師又授筆法於張長史旭

盧稜伽楊庭光李生張藏並

師於吳

各有所長稜伽庭光為上足

劉行臣師於王韶應韓幹陳闕

師於曹霸王紹宗師於殷仲容

已上國朝畫人近代皆不載也

各有師

資逸相做効或自開戶牖或未及門墻或青出於藍或

冰寒於水似類之間精粗有別只如田僧亮楊子華楊

契丹鄭法士董伯仁展子虔孫尚子闔立德闔立本並
祖述顧陸僧繇田則郊野柴荆為勝楊則鞍馬人物為
勝契丹則朝廷簪組為勝法士則游宴豪華為勝董則
臺閣為勝展則車馬為勝孫則美人魑魅為勝闔則六
法備該萬象不失所言勝者以觸類皆能而就中尤所
偏勝者俗所共推展善屋木且不知董展同時齊名展
之屋木不及於董李嗣真云三休輪奐董氏造其微六
轡沃若展生居其駿而董有展之車馬展無董之臺閣

此論為當若論衣服車輿土風人物年代各異南北有殊觀畫之宜在乎詳審只如吳道子畫仲由便戴木劍閻令公畫昭君已著幃帽殊不知木劍創於晉代幃帽興於國朝舉此凡例亦畫之一病也且如幅巾傳於漢魏慕容起自齊隋幃頭始於周朝

折上巾軍旅所服即今幃頭也用全幅帛

向後幃髮俗謂之幃頭自武帝建德中裁為四脚也

巾子創於武德朝服靴衫豈

可輒施於古象衣冠組綬不宜長用於今人芒屨非塞北所宜牛車非嶺南所有詳辯古今之物商較土風之

宜指事繪形可驗時代其或生長南朝不見北朝人物
習熟塞北不識江南山川遊處江東不知京洛之盛此
則非繪畫之病也故李嗣真評董展云地處平原關江
南之勝迹叅戎馬乏簪裾之儀此是其所未習非其所
不至如此之論便為知言譬如鄭玄未辯榘梨蔡謨不
識螳螂魏帝終削典論初以其無火浣布著典論言之
刊於太學後有外國獻火浣布

遂削弃
典論也

隱居有味藥名

陶隱居本草多未
曉北地藥名也

吾之不知蓋

闕如也雖有不知豈可言其不博精通者所宜詳辯南

北之妙迹古今之名蹤然後可以議乎畫

論顧陸張吳用筆

或問余以顧陸張吳用筆如何對曰顧愷之之迹緊勁
聯綿循環起忽調格逸易風趨電疾意存筆先畫盡意
在所以全神氣也昔張芝學崔瑗杜度草書之法因而
變之以成今草書之體勢一筆而成氣脉通連隔行不
斷唯王子敬明其深旨故行首之字往往繼其前行世
上謂之一筆書其後陸探微亦作一筆畫連綿不斷故

知書畫用筆同法陸探微精利潤媚新奇絕名高宋代時無等倫張僧繇點曳研拂依衛夫人筆陣圖一點一畫別是一巧鉤戟利劍森森然又知書畫用筆同矣國朝吳道玄古今獨步前不見顧陸後無來者授筆法於張旭此又知書畫用筆同矣張既號書顛吳宜為畫聖神假天造英靈不窮衆皆密於盼際我則離披其點畫衆皆謹於象似我則脫落其凡俗彎弧挺刃植柱構梁不假界筆直尺虬鬚雲鬢數尺飛動毛根出肉力健

有餘當有口訣人莫得知數仞之畫或自臂起或從足先巨壯詭怪膚脉連結過於僧繇矣或問余曰吳生何以不用界筆直尺而能彎弧挺刃植柱構梁對曰守其神專其一合造化之功假吳生之筆向所謂意存筆先畫盡意在也凡事之臻妙者皆如是乎豈止畫也與乎庖丁發矟郢匠運斤効顰者徒勞捧心代斲者必傷其手意旨亂矣外物役焉豈能左手劃圓右手劃方乎夫用界筆直尺界筆是死畫也守其神專其一是真畫也

死畫滿壁曷如污墁真畫一劃見其生氣夫運思揮毫自以為畫則愈失於畫矣運思揮毫意不在於畫故得於畫矣不滯於手不凝於心不知然而然雖彎弧挺刃植柱構梁則界筆直尺豈得入於其間矣又問余曰夫運思精深者筆迹周密其有筆不周者謂之如何余對曰顧陸之神不可見其矜際所謂筆跡周密也張吳之妙筆纔一二像已應焉離披點畫時見缺落此雖筆不周而意周也若知畫有疎密二體方可議乎畫或者顧

之而去

論畫體工用搨寫

夫陰陽陶蒸萬象錯布玄化亡言神工獨運草木敷榮
不待丹碌之采雲雪飄颻不待鉛粉而白山不待空青
而翠鳳不待五色而絳是故運墨而五色具謂之得意
意在五色則物象乖矣夫畫物特忌形貌采章厯厯具
足甚謹甚細而外露巧密所以不患不了而患於了既
知其了亦何必了此非不了也若不識其了是真不了

也夫失於自然而後神失於神而後妙失於妙而後精
精之為病也而成謹細自然者為上品之上神者為上
品之中妙者為上品之下精者為中品之上謹而細者
為中品之中余今立此五等以包六法

六法已具
第一卷

以貫

衆妙其間詮量可有數百等孰能周盡非夫神邁識高
情超心慧者豈可議乎知畫夫工欲善其事必先利其
器齊紈吳練冰素霧綃精潤密緻機杼之妙也武陵水
井之丹磨差之沙越蕩之空青蔚之曾青武昌之扁青

上品
石綠

蜀郡之鉛華

黃丹也
出本草

始興之解錫

胡粉

研鍊澄汰深

淺輕重精麤林邑崑崙之黃

雌黃也忌
胡粉同用

南海之蟻鈔

紫鈔

也造粉燕脂吳
綠謂之赤膠也

雲中之鹿膠吳中之鱧膠東阿之牛膠

采章之
用也

漆姑汁鍊煎並為重采鬱而用之

古畫皆用漆
姑汁若鍊煎

謂之鬱色於綠
色上重用之

古畫不用頭綠大青

畫家呼麤綠為頭
綠麤青為大青

取其精華接而用之百年傳致之膠千載不剝絕仞食

竹之毫一劃如劍有好手畫人自言能畫雲氣余謂曰

古人畫雲未為臻妙若能沾濕綃素點綴輕粉縱口吹

之謂之吹雲此得天理雖曰妙解不見筆蹤故不謂之
畫如山水家有潑墨亦不謂之畫不堪做効江南地潤
無塵人多精藝三吳之跡八絕之名逸少右軍長康散
騎書畫之能其來尚矣淮南子云宋人善畫吳人善冶
治賦色也不亦然乎好事家宜置宣紙百幅用法蠟之以備
摹寫顧惟之有
摹榻妙法古時好搨畫十得七八不失神采筆蹤
亦有御府搨本謂之官搨國朝內庫翰林集賢祕閣搨
寫不輟承平之時此道甚行艱難之後斯事漸廢故有

非常好本搨得之者所宜寶之既可希其真蹤又得留
為證驗遍觀衆畫唯顧生畫古賢得其妙理對之令人
終日不倦凝神遐想妙悟自然物我兩忘離形去智身
固可使如槁木心固可使如死灰不亦臻於妙理哉所
謂畫之道也顧生首創維摩詰像見第四卷有清羸示病之
容隱几忘言之狀陸與張皆効之終不及矣張墨陸探
微張僧繇

並畫維摩詰居士終
不及顧之所創者也

論名價品第

或曰昔張懷瓘作書估論其等級甚詳君曷不詮定自古名畫為畫估馬張子曰書畫道殊不可渾詰書即約字以言價畫則無涯以定名况漢魏三國名蹤已絕於代今人貴耳賤目罕能詳鑒若傳授不昧其物猶存則為有國有家之重寶晉之顧宋之陸梁之張首尾完全為希代之珍皆不可論價如其偶獲方寸便可槭持比之書價則顧陸可同鍾張僧繇可同逸少書則逡巡可成畫非歲月可就所以書多於畫自古而然今分為三

古以定貴賤以漢魏三國為上古則趙岐劉褒蔡邕張

衡

已上四
人後漢

曹髦楊修桓範徐邈

已上四
人魏

曹不興吳諸葛

亮

蜀

之流是也以晉宋為中古則明帝荀勗衛協王廙

顧愷之謝稚嵇康戴逵

已上八
人晉

陸探微顧寶光袁倩顧

景秀之流是也

已上四
人宋

以齊梁北齊後魏陳後周為下

古則姚曇度謝赫劉瑱毛惠遠

已上四
人齊

元帝袁昂張僧

繇江僧寶

已上四
人梁

楊子華田僧亮劉殺鬼曹仲達

已上
四人

齊

北蔣少游楊乞德

已上二
人後魏

顧野王

陳

馮提伽

後周

之流是

也隋及國初為近代之價則董伯仁展子虔孫尚子鄭

法士楊契丹陳善見

已上六人隋

張孝師范長壽尉遲乙僧

王知慎閻立德閻立本

已上六人唐朝

之流是也上古質略徒

有其名畫之蹤跡不可具見中古妍質相參世之所重

如顧陸之跡人間切要下古評量科簡稍易辯解迹涉

今時之人所悅其間有中古可齊上古顧陸是也下古

可齊中古僧繇子華是也近代之價可齊下古董展楊

鄭是也國朝畫可齊中古則尉遲乙僧吳道玄閻立本

是也若詮量次第有數百等今且舉俗之所知而言凡人間藏蓄必當有顧陸張吳著名卷軸方可言有圖畫若言有書籍豈可無九經三史顧陸張吳為正經楊鄭董展為三史其諸雜迹為百家

吳雖近可為正經

必也手揣卷

軸口定貴賤不惜泉貨要藏篋笥則董伯仁展子虔鄭

法士楊子華孫尚子閻立本吳道玄屏風一片值金二

萬次者售一萬五千

自隋已前多畫屏風未知有畫幃故以屏風為準也

其楊契

丹田僧亮鄭法輪乙僧閻立德一扇值金一萬且舉俗

間諳悉者推此而言可見流品夫中品藝人有合作之時可齊上品藝人上品藝人當未適之日偶落中品唯下品雖有合作不得廁於上品在通博之人臨時鑒其妍醜只如張顛以善草得名楷隸未必為人所寶余曾見小楷樂毅虞褚之流韋鷗以畫馬得名人物未必為人所貴余見畫人物顧陸可儔夫大畫與細畫用筆有殊臻其妙者乃有數體只如王右軍書乃自有數體及諸行草各繇臨時構思淺深耳畫之臻妙亦猶於書此

須廣見博論不可匆匆一槩而取昔裴孝源都不知道
妄定品第大不足觀但好之則貴於金玉不好則賤於
瓦礫要之在人豈可言價

論鑒識收藏購求閱玩

夫識書人多識畫自古蓄聚寶玩之家固亦多矣

已具第一

卷中則有收藏而未能鑒識鑒識而不善閱玩者閱玩而

不能裝褙裝褙而殊亡銓次者此皆好事者之病也貞
觀開元之代自古盛時天子神聖而多才士人精博而

好藝購求至寶歸之如雲故內府圖書謂之大備

國初左僕

射蕭瑀及許善心楊素褚安福家並進圖畫兼隋代所有乃成林藪貞觀六年虞世南褚遂良等奉勅簡閱開元十年十二月太子中允張惟充知搜訪書畫使天寶中徐浩充採訪圖畫使前後不可具載名代也

或

有進獻以獲官爵或有搜訪以獲錫賚

開元中有商胡穆律別識圖書

遂直集賢告許搜求至德中白身受金吾長史改名詳時有潘淑善以獻書畫拜官遼東人王昌栢州人葉豐長安人田穎洛陽人杜福劉翌河內人齊光皆別識販賣此輩雖業隣好事而述類藩身又有侍御史集賢直學士史維則充使博訪圖書懸以爵賞所獲不少建中四年徐浩侍郎自云昏老奏男瑋前試國子司業兼太原縣令竇蒙蒙弟檢校戶部員外郎汴宋節度叅謀泉並皆別識勅並用之貞元初有賣書畫人孫方顯與余

家買得真迹不少今有男盈在長
安頃年又有趙晏皆為別識也
又有從來蓄聚之家

自號圖書之府

開元中卿王府司馬竇瓚潁川人也右
補闕席異安定人也監察御史潘履慎

滎陽人也金部郎中蔡希寂濟陽人也給事中竇紹欽
州婺源縣令滕昇吳郡人也陸曜東都人福先寺僧拙
同官尉高至渤海人也國子主簿晁溫太原人也郭縣
尉崔愛情永王府長史陳闕潁川人也監察御史薛邕
太原人郭暉並是別識收藏之人近則張郎中從申侍
郎惟素從申子也蕭桂州祐李方古歸侍郎登道士盧
元卿韓侍郎愈裴侍郎瑋段相鄰平
公中書令晉公裴度李太尉德裕
蓄聚既多必有佳

者妍蚩渾雜亦在詮量是故非其人雖近代亦朽蠹得
其地則遠古亦完全其有晉宋名跡煥然如新已歷數

百年紙素彩色未甚敗何故開元天寶間蹤跡或已耗散良由寶之不得其地也夫金出於山珠產於泉取之不已為天下用圖畫歲月既久耗散將盡名人藝士不復更生可不惜哉夫人不善寶玩者動見勞辱卷舒失所者操揉便損不解裝褫者隨手棄捐遂使真迹漸少不亦痛哉非好事者不可妄傳書畫近火燭不可觀書畫向風日正飡飲唾涕不洗手並不可觀書畫昔桓立愛重圖書每示賓客客有非好事者正飡寒具

按寒具即今之

環餅以酥油煮之遂汚物也

以手捉書畫大點汚玄惋惜移時自後


每出法書輒令洗手人家要置一平安牀褥拂拭舒展觀之大卷軸宜造一架觀則懸之凡書畫時時舒展即免蠹濕余自弱年鳩集遺失鑒玩裝理晝夜精勤每獲一卷遇一幅必孜孜葺綴竟日寶玩可致者必貨弊衣減糲食妻子僮僕切切嗤咲或曰終日為無益之事竟何補哉既而歎曰若復不為無益之事則安能悅有涯之生是以愛好愈篤近於成癖每清晨間景竹窗松軒

以千乘為輕以一瓢為倦身外之累且無長物唯書與
畫猶未忘情既頽然以忘言又怡然以觀閱常恨不得
竊觀御府之名迹以資書畫之廣博又好事家難以假
借况少真本書則不得筆法不能結字已陸家聲為終
身之痛畫又迹不逮意但以自娛與夫熬熬汲汲名利
交戰於胸中不亦猶賢乎昔陶隱居啓梁武帝曰愚固
博涉患未能精苦恨無書願作主書令史晚愛楷隸又
羨典掌之人人人生數紀之內識解不能周流天壤區區

惟恣五慾實可愧耻每以得作才鬼猶勝頑仙此陶隱
居之志也由是書畫皆為清妙况余凡鄙於二道能無

癖好哉

今彥遠又別撰集法書要錄等共為二十
卷好事者得余二書則書畫之事畢矣



歷代名畫記卷二

欽定四庫全書

子部

歷代名畫記卷三五

詳校官中書臣王鵬

檢討臣德生覆勘

總校官檢討臣何思鈞

校對官中書臣張九鐸

騰錄監生臣阮坦

欽定四庫全書

歷代名畫記卷三

叙自古跋尾押署

前代御府自晉宋至周隋收聚圖畫皆未行印記但備
列當時鑒識執人押署

宋

張則

袁倩

唐 張彥遠 撰

陸綏

齊

劉瑱

毛惠遠

梁

沈熾文

唐懷允

徐僧權

孫子真

庾於陵

法象

徐湯

孫達

姚懷珍

范肩祖

江僧寶

滿騫

陳延祖

顧操

陳

杜僧譚

黃高

北齊

丁道矜

隋

江總

姚察

朱异

何妥

大業年月日

奉勅
裴

開皇年月日

內史薛道衡
署名跋尾

亦有開皇年月日

參軍事學士諸葛穎詰議參
軍開府學士柳顧言釋智果

唐朝武德初秦王府跋尾

主簿上開府薛收文學褚亮
亦有褚亮下更署虞世南姓

名

貞觀中褚河南等監掌裝背並有當時鑒識人押署跋

尾官爵姓名貞觀十一年月日

兵曹史樊行整裝合若干紙宣義郎行參軍李

德穎數功曹參軍金川縣開國男平儀典司馬行相州都督府司馬蘇勗監銀青光祿大夫行黃門侍郎扶風

縣開國男

韋挺監

十二年月日

題署同十一年

十三年月日

將仕郎直弘文館臣王行直裝起居郎臣褚遂良監司空許州都督趙國公臣無忌

開府儀同三司尚書左僕射太子少師梁國公臣玄齡特進尚書左僕射中國公臣士廉特進鄭國公臣徵吏

部尚書左僕射臣君集犯法後亦有措却處中書令駙馬都尉安德郡開國公臣楊師道左衛大將軍武陽縣

開國公臣李大亮光祿大夫戶部尚書莒國公臣唐儉光祿大夫禮部尚書河間郡王臣孝恭刑部尚書彭城

縣開國公臣劉德威兼太常卿扶風縣開國男臣韋挺少府監安昌縣開國男臣馮長命銀青光祿大夫行尚書左丞濟陽縣開國男臣唐皎亦有

不署馮長命唐皎二人官爵姓名者

十四年月日

將仕郎直弘文館臣張龍樹裝某官士廉某官徵某官楊師道起居郎臣褚遂良亦

有臣蔡撟裝其玄齡士廉魏徵師道君集官爵姓名並同師道後有左屯衛大將軍上柱國通川縣開國男臣姜行

本

十五年十六年月日

文林郎臣張龍樹裝行起居郎臣褚遂良楊師道魏徵房玄齡官爵

並同上房玄齡後無已下入姓名

十七年十八年月日

守黃門侍郎褚遂良監亡他人官爵姓名是開元中割却

十九年月日

褚遂良監亡他人官爵
姓名是開元中割却

開元中玄宗購求天下圖書亦命當時鑒識人押署跋

尾劉懷信等亦或割去前代名氏以已等名氏代之開

元五年月日

陪戎副尉王思忠裝亦有張龍樹裝王行
真裝文林郎直秘書省臣王知逸監宣義

郎行左司禦率府錄事參軍臣劉懷信監十年賜名匪
於宣義郎行左驍衛率府倉曹參軍臣陸元悌監後至
十一年為給事中賜名堅直集賢承議郎行左金吾衛
長史臣魏哲監左散騎常侍崇文館學士上柱國舒國
公臣褚無量開府儀同三司上柱國梁國公臣姚崇秘
書監侍讀昭文館學士上柱國常山縣開國公臣馬懷
素銀青光祿大夫行中書侍郎同中書門下平章事監
修國史上柱國許國公臣蘇頲銀青光祿大夫守吏部

尚書兼侍中監修國史上柱
國廣平郡開國公臣宋璟

十年月日

王思忠裝同上使承議郎守殿中丞知中書
尚作事安昌縣開國男臣馮紹正使朝議大

夫檢校少府
監臣陳義

十五年月日

王府大農李仙舟裝背內使
尹奉祥監是集賢畫院書畫

建中十年月日

臣賀遂奇劉逸江等檢校副使掖庭
令茹蘭芳副使內寺伯臣宋遊瓌

已上跋尾押署書畫多同此例今略舉大例言之餘不
具載

叙古今公私印記

太宗皇帝自書貞觀二小字作二小印

貞觀

玄宗皇帝自書開元二小字成一印

又有集賢印祕閣印翰林印

各以判司所收掌圖書定印之印

又有弘文之印恐是東觀舊印印書者其印至小

弘文之印

更有元和之印恐是官印多印搨本書畫

元和之印

諸好事家印有東晉僕射周顛印古小雌字

顛

又有梁朝徐僧權印徐

唐朝魏王泰印

魏王泰印

太平公主駙馬武延秀玉印胡書四字梵音云三藐母

馱

三藐母馱

故潤州刺史贈左散騎常侍徐嶠之印

東海

嶠之子吏部侍郎會稽郡公徐浩浩子璿印會稽

議郎竇蒙印

竇蒙

蒙弟范陽功曹竇泉印

泉

延王友竇永二小字印

軌飛 出出

金部郎中劉繹印

彭城侯 書畫記

起居舍人李造印陶安

鄂州司馬張懷瓘弟盛王府司馬懷瓌印

張氏
永保

劍州司馬劉知章印

劉氏
書印

光祿大夫中書令上柱國趙國公鍾紹京印

彥達高祖中書令河東公印

河東
張氏

曾祖相國魏國公印

烏石
侯瑞

祖相國高平公二字小印

鵲瑞

又有鵲瑞二字同為一印

鵲瑞

故相國司徒汧國公李勉印

李氏

汧國公之子兵部員外郎李約印約

又故相趙國公李吉甫印贊

故御史大夫黎幹印贊

故桂州觀察使蕭祐印蕭

故相國晉國公韓滉印滉

故相國鄴侯李泌印

鄴侯國
書刻筆

故犯法入宰相王涯印

永存
珍松

僕射馬總印

馬氏
圖書

宣州長史周昉印周昉

劍州刺史王肱印王肱

張敦簡印

常山之印

已上諸印記千百年可為龜鏡

別有

軍侯安國
司馬亭侯

益

萬古

任氏

橋墩

歸空

軍司

已上並未尋討去處皆是識鑒寶玩之家印記並可為

驗證

蕭公温氏模榻
書印之印印信

又有褚氏書印非褚河南之印也

褚氏書印

文選
詒書
印信

此外更有諸家印署皆非鑒識但偶獲圖畫便即印之不足為證驗故不具錄若不識圖畫不煩空驗印記雖然自古及近代御府購求之家藏蓄傳授閱翫其入至多是以要明跋尾印記乃是書畫之本業耳

論裝背標軸

自晉代已前裝背不佳宋時范曄始能裝背宋武帝時徐爰明帝時虞龢巢尚之徐希秀孫奉伯編次圖書裝

背為鈔梁武帝命朱异徐僧權唐懷克姚懷珍沈熾文
等又加裝護國朝太宗皇帝使典儀王行真等裝褫起
居郎褚遂良校書郎王知敬等監領凡圖書本是首尾
完全著名之物不在輒議割截改移之限若要錯綜次
第或三紙五紙三扇五扇又上中下等相揉雜本亡詮
次者必宜以好處為首下者次之中者最後何以然凡
人觀畫必銳於開卷懈怠將半次遇中品不覺留連以
至卷終此虞蘇論裝書畫之例於理甚暢凡煮糊必去

筋稀緩得所攪之不停自然調熟余往往入少細研薰陸香末出自拙意永去蠹而牢固古人未之思也汧國

公家背書畫入少蠟要在密潤此法得宜

趙國公李吉甫家云背書

要黃硬余家有數帖黃硬書都不堪

候陰陽之氣以調適秋為上時春為

中時夏為下時暑濕之時不可用勿以熟紙背必皺起

宜用白滑漫薄大幅生紙紙縫先避人面及要節處若

縫縫相當則強急卷舒有損要令叅差其縫則氣力均

平太硬則強急太薄則失力絹素彩色不可擣理紙上

白畫可以砧石妥帖之宜造一太平案漆板朱界制其
曲直古畫必有積年塵埃須用皂莢清水數宿漬之平
案扞去其塵垢畫復鮮明色亦不落補綴擡策油絹襯
之直其邊際密其隙縫端其經緯就其形制拾其遺脫
厚薄均調潤潔平穩然後乃以鏤沉檀為軸首或裹籠
束金為飾白檀身為上香潔去蟲小軸白玉為上水精
為次琥珀為下大軸杉木漆頭輕圓最妙前代多用雜
寶為飾易為剝壞故貞觀開元中內府圖書一例用白

檀身紫檀首紫羅標織成帶以為官畫之標或者云書

畫以標軸賈害不宜盡飾余曰裝之珍華裛以藻繡絨

滕蘊藉方為宜稱

其古之異錦具李章武所集錦譜

必若大盜至焉亦

何計寶惜梁朝大聚圖書自古為盛湘東之敗烟焰漲
天此其運也況乎私室寶持子孫不肖大則胠篋以遺
勢家小則舉軸以易朝饌此又時也亦何嗟乎

記兩京外州寺觀畫壁

會昌中多毀折今亦具載亦有好事收得畫壁在人

者家

兩京寺觀等畫壁

太清宮

殿內絹上寫
玄元真是吳

薦福寺

天后飛
白書額

淨土院門外兩邊吳畫神鬼南邊神頭上龍為鈔西廊
菩提院吳畫維摩詰本行變

律院北廊張璪畢宏畫

西南院佛殿內東壁及廊下行僧並吳畫未了

興善寺殿內壁畫至鈔失人名

按裴錄云此寺
有劉馬畫恐是

西南舍利塔內曹畫西面尹琳畫

東廊從南第三院小殿柱間吳畫神工人裝損

三藏院閣畫至鈔失人名

慈恩寺塔內面東西間尹琳畫西面菩薩騎獅子東面
騎象

塔下南門尉遲畫西壁千鉢文殊尉遲畫

南北兩間及兩門吳畫并自題

塔北殿前牕間吳畫菩薩殿內楊庭光畫經變色損

大殿東軒廊北壁吳畫未了舊傳是吳細看不是
大殿東廊從北第一院鄭虔畢宏王維等白畫
入院北壁二神甚妙失人名

兩廊壁間閻令畫中間及西廊李果奴畫行僧
塔之東南中門外偏張孝師畫地獄變已剝落
院內東廊從北第一房間南壁韋鑾畫松樹

大佛殿內東壁好畫失人名

中三門裏兩面尹琳畫神

龍興觀大門內吳畫神已摧剝

殿內東壁吳畫明真經變

北面從西第二門董諤白畫

唐安寺塔下尹琳李真畫

北堂內西壁朱審畫山水

光宅寺東菩提院內北壁東西偏尉遲畫降魔等變殿
內吳生楊廷光畫又尹琳畫西方變

玄真觀殿內玄元及侍真座上陳靜心畫樂天及神殿

內外程雅陳靜心畫

資聖寺

殷仲容題額

檀章畫中三門東牕間

南北面吳畫高僧

大三門東南壁姚景仙畫經變

寺西門直西院外神及院內經變楊廷光畫

北圓塔下李真尹琳絹畫菩薩

寶刹寺佛殿南楊契丹畫涅槃等變相

與斐錄同據斐畫錄亦有鄭畫

今不見也西廊陳靜眼畫地獄變又有楊廷光畫興唐寺三

門樓下吳畫神

東般若院楊廷光畫山水等

西院韓幹畫一行大師真徐浩書讚又有吳生周昉絹畫中三門內東西偏兩壁尉遲畫

殿軒廊東面南壁吳畫

淨土院董諤尹琳楊坦楊喬畫

院內次北廊向東塔院內西壁吳畫金剛變工入成色損

次南廊吳畫金剛經變及郝后等并自題

小殿內吳畫神菩薩帝釋西壁西方變亦吳畫

東南角吳弟子李生畫金光明經變

講堂內楊廷光畫

菩提寺佛殿內東西壁吳畫神鬼西壁工人布色損佛
殿壁帶間亦有楊廷光白畫

殿內東西北壁並吳畫其東壁有菩薩轉目視人法師
文淑亡何令工人布色損矣

東壁董誥畫本行經變

佛殿上构欄耿昌言畫水族

佛殿內東壁楊廷光畫

據西京記合有鄭畫今亡

萬安觀公主影堂東北小院南行屋門外北壁李昭道

畫山水

淨域寺

據裴畫錄此寺有孫尚子畫今不見

三階院東壁張孝師畫地獄變杜懷亮書榜子

院門內外神鬼王韶應畫王什書榜子

王什杜懷亮書人罕知有書迹

甚高似

鍾書

景公寺東廊南間東門南壁畫行僧轉目視人

中門之東吳畫地獄并題

西門內西壁吳畫帝釋并題次南廊吳畫

三門內東西畫至妙失人名

青龍寺中三門外東西王韶應畫

安國寺東車門直北東壁北院門外畫神兩壁及梁武

帝邨后等並吳畫并題

經院小堂內外並吳畫

西廊南頭院西畫堂內南北壁并中三門外東西壁梵
王帝釋並楊廷光畫

三門東西兩壁釋天等吳畫工人成色損

東廊大法師院塔內尉遲畫及吳畫

大佛殿東西二神吳畫工人成色損

殿內維摩變吳畫

東北涅槃變楊廷光畫

西壁西方變吳畫工人成色損

殿內正南佛吳畫輕成色

開元觀西廊院天尊殿前龍虎君明真經變及西壁並
楊廷光畫門西牕上下楊仙喬畫

雲花寺小佛殿有趙武端畫淨土變

西廊北院門上北面王知慎畫

寶應寺多韓幹白畫亦有輕成色者

佛殿東西二菩薩亦幹畫工人成色損

西南院小堂北壁張璪畫山水

院南門外韓幹畫側坐毗沙門天王

北下方西塔院下邊鸞畫牡丹

咸宜觀三門兩壁及東西廊並吳畫

殿上牕間真人吳畫

殿前東西二神解倩畫

殿外東頭東西二神西頭東西壁吳生并楊廷光畫牕間寫真及明皇帝上佛公主等圖陳闕畫

永壽寺三門裏吳畫神

千福寺

在安定坊會昌中毀寺後却置不改舊額

寺額上官昭容書

毀寺後有僧收

得再置却懸之

中三門外東行南太宗皇帝撰聖教序

弘福寺沙門懷

仁集王右軍書

西行楚金和尚法華感應碑

顏魯公書徐浩題額

碑陰沙

飛錫撰吳通微書

東塔院

額高力士書

涅槃鬼神

楊惠之書

門屋下內外面楊廷光

白畫鬼神并門屋下兩面四五間

西塔院玄宗皇帝題額

北廊堂內南嶽智顛思大禪師法華七祖及弟子影弟子

壽王主簿韓幹敬貌遺法

弟子沙門飛錫撰頌并書繞塔板上傳法二十四弟子

盧稜伽韓幹畫裏面吳

生畫時菩薩現吳生貌塔北普賢菩薩鬼神似是尹琳

畫相傳云是楊廷光畫畫時筆端舍利從空而落

塔院門兩面內外及東西向

裏各四間吳畫鬼神帝釋極妙

塔院西廊沙門懷素草書

天師真

韓幹畫此東塔玄宗感夢置之

楚金真吳畫彌勒下生變

韓幹正畫細小稠鬧

院門北邊碑

顏魯公書岑勛撰

南邊碑

張芬書

向裏面壁上碑

吳通

微書僧道秀撰

造塔人

木匠李伏橫石作張愛兒

石井欄篆書

李陽冰石作張愛兒東

閣肅宗置

面東碑韓擇木八分書王拓撰

天台智者大師碑

張芬書

佛殿

東院西行南院

殿內有李綸畫普賢菩薩田琳畫文殊師利菩薩

崇福寺

武后題額

西庫牛昭王陀子畫山水

東山亭劉整畫山水

西庫門外西壁神吳畫自題

化度寺

殷仲容題額

楊廷光楊仙喬畫本行經變盧稜伽畫

地獄變今殘兩頭少許耳

溫國寺淨土院尹琳畫三門內吳畫鬼神南北牕門畫

神失人名

定水寺

王羲之題額
從荊州將來

殿內東壁北二神西壁三帝釋並

張僧繇畫

從上元
縣移來

餘七神及下小神並解倩畫

殿內東壁孫尚子畫維摩詰其後屏風臨古迹帖亦鈔

中間亦孫尚子畫東間不是孫亦鈔失人名

內東西壁及前面門上並似展畫甚鈔前面有三圓光

皆突生壁牕間菩薩亦鈔

奉恩寺中三門外西院北尉遲畫本國王及諸親族次
塔下小畫亦尉遲畫此寺本是乙僧宅

龍興寺佛殿鄭法輪畫

懿德寺三門樓下兩壁神中三門東西華嚴變並鈔三
門西廊東靜眼畫山水

大殿內畫極鈔失人名

勝光寺西北院小殿南面東西偏門上王定畫行僧及
門間菩薩圓光

三門外神及帝釋楊仙喬畫

三門北南廊尹琳畫

塔東南院周昉畫水月觀自在菩薩掩障菩薩圓光及竹並是劉整成色

西明寺

玄宗朝南薰殿學士劉子昇書額

入西門南壁楊廷光畫神兩

鋪成色損

東廊東面第一間傳法者圖讚褚遂良書第三間利防等四間曇柯迦羅並歐陽通書

寺東崇福寺壁碾陳積善畫山水

三階院蔡金剛范長壽畫

淨法寺殿後張孝師畫地獄變

東壁范長壽畫

與裴孝源錄同

西壁亦鈔失人名

空觀寺本周時村佛堂遶壁當時名手畫佛堂在寺東廊南院佛殿南面東西門上袁子昂畫又有三絕是佛殿門扇孔雀及二龍

崇聖寺西殿內董伯仁畫

東殿展子虔畫

展畫與
裴錄同

西北鄭德文畫

淨景寺

殷仲容
題額

濟度寺

殷仲容
題額

玄都觀殿內范長壽畫

海覺寺

歐陽詢
題額

三門內王韶應畫小殿前面董畫像

雙林塔西面展畫後面云是鄭畫尤妙

西南院門北壁畫神失名甚妙或云鄭法士

壽果寺殿內畫甚妙失人名

紀國寺西禪院小堂鄭法輪畫甚碎

褒義寺殿後東西畫似是王定

佛殿西壁涅槃變盧稜迦畫自題

西禪院殿內杜景祥王元之畫

大雲寺東浮圖北有塔俗呼為七寶塔隋文帝造馮提
伽畫瘦馬并帳幕人物已剝落又東壁北壁鄭法輪畫

西壁田僧亮畫外邊四面楊契丹畫本行經據棗錄此
寺亦有展

畫有田楊塔東义手下畫辟邪雙目隨人轉盼

三階院牕下曠野雜獸似是張孝師

西南淨土院遶殿僧至妙失人名

永泰寺殿及西廊李雅畫聖僧

東廊懸門楊契丹畫

東精舍鄭法士畫滅度變相

總持寺門外東西吳畫成色損

佛殿內西畫孫尚子畫

三藏院小佛殿四壁尹琳李昌畫

堂內李重昌畫恩大師影

莊嚴寺

兩寺並殿
今名題額

南門外壁白蕃神尹琳畫

中門外東西盧稜迦畫兩壁甚大

祕書省薛稷畫鶴賀知章題詩在東祕書廳郎餘令畫
鳳在書閣柱上都不成畫不堪觀先亦有小山水在書
閣上今已無御史臺殿中廳吳畫山水據其畫跡不是
吳又蕭桂州祐畫山水將作監劉整畫山水太常寺太
卿後廳梁洽畫山水

禪定寺

裴孝源畫錄云
有陳善見畫

西禪寺

裴孝源云有
孫尚子畫

開業寺

裴錄云有曹仲達李
雅楊契丹鄭法士畫

清禪寺

裴錄云有
鄭法士畫

延興寺

裴錄云有鄭
法士李雅畫

已上上都

東都寺觀畫壁

福先寺三階院吳畫地獄變有病龍最妙

寺三門兩頭亦似吳畫

係本寺
三階院

天宮寺三門吳畫除災患變板上二菩薩張僧繇畫

從江

南將
來

長壽寺門裏東西兩壁鬼神吳畫

佛殿兩軒行僧亦吳畫

菜園精舍內王韶應畫

敬愛寺

據裴孝源畫錄云有孫尚子畫彥遠按敬愛寺
是中宗皇帝為高宗武后置孫尚子是隋朝畫

手裴君所
記為謬矣

佛殿內菩薩樹下彌勒菩薩塑像麟德二年

自內出王玄策取到西域所圖菩薩像為樣

巧兒張壽
宋朝塑王

玄策指揮

東間彌勒像

張智藏塑即張壽
之弟也陳永承成

西間彌勒像

李安貼金

竇弘果塑已上三處像光
及化生等並是劉奕刻

殿中門西神

竇弘
果塑

殿中門東

神趙雲質塑今
神謂之聖神也

此一殿功德並妙選巧工各騁竒思莊

嚴華麗天下共推西禪院殿內佛事并山

並竇弘
果塑

東禪

院般若臺內佛事中門兩神大門內外四金剛并獅子

崑崙各二并迎送金剛神王及四大獅子兩食堂講堂

兩聖僧

已上並是
竇弘果塑

大殿內東西面壁畫

劉行
臣描

維摩詰盧

舍那並劉行臣描趙龕成自餘並聖法華太子變劉茂

即行西壁西方佛會趙武十六觀及閻羅王變劉阿西

禪院北壁華嚴變張法北壁門西一間佛會及山水何

壽人物等張法受描東西兩壁西方彌勒變并禪院門

外道西行道僧並神龍後王韶禪院內西廊壁畫開元

吳道子日藏月藏經變及業報差別變吳道子描翟琰成

成所以東禪院殿內十輪變武靜東壁西方變蘇思忠

子殿間菩薩及內廊下壁武靜藏描講堂內大寶帳開

三年史小淨起樣隨隱起等是張阿乾
生銅作井蠟樣是李正王兼亮郭兼子

天后大香爐高五

尺五寸潤四
尺重二千斤

又大金銅香爐

毛婆羅樣後更加木座及須彌山浮跌等高一丈二

尺張阿
乾蠟樣

金銅幡十三口

長一丈二尺張李八寫井成

畫絹幡十三口

金銅脚長一丈二尺張李八寫井
成又四口亦長一丈二尺雜手成

大院紗廊壁行僧中門內已西

並趙武端描惟唐三藏是劉行臣描亦成

門內已東五僧

師奴

第六僧已東至東行南頭第二門

已南

並劉行臣描

已北

並趙武端描或云劉行臣描

中門西邊紗廊外面

並聖歷已後劉茂
德描陳底子成

中門內立神大門內坐神

並劉行臣描

門東立神及神之東西兩鬼

聖歷後有神英法師令何長壽掃却欲重描神英京

兆黨何生洛下衆生黨劉行臣時人以何生雖善山水至於畫神不如劉劉為關東獨步與西京長壽齊名洛下之意抑何進劉不許神英之請還遣行臣之子茂德續其父畫今中門東神及兩鬼腰已上新接者亦不迨其父 其日藏月藏經變有病龍又妙於福先寺者殿內

則天真山亭院十輪經變華嚴經並武靜藏畫龍王面上蜥蜴及懷中所抱雞尤妙真山亭院北及門樓內兩廂震亶支提二神並劉行臣畫今暗第二門東神亦行

臣畫今暗

彥遠遊西京寺觀不得適惟敬愛寺得細探討故為詳備

龍興寺西禪院殿東頭展畫八國王分舍利

大雲寺門東兩壁鬼神佛殿上菩薩六軀淨土經變閣

上婆叟仙並尉遲畫黃犬及鷹最妙

弘聖寺陳靜眼張志畫

昭成寺西廊障日西域記圖楊廷光畫

三門下護法二神張遵禮畫

香爐兩頭淨土變樂師變程遜畫

聖慈寺西北禪院程遜畫本行經變維摩詰并諸功德

楊廷光畫

弘道觀東封圖是吳畫兩京記乃云非名手畫誤也城北老君廟吳畫杜甫詩云五聖聯龍袞千官列雁行畫手看前輩吳生獨擅場

光嚴寺

裴孝源云有董伯仁畫

天女寺

裴云有展畫今不見

已上東都

會昌五年武宗毀天下寺塔兩京各留三兩所故名畫在寺壁者唯存一二當時有好事或揭取陷於屋壁已

前所記者存之蓋寡先是宰相李德裕鎮浙西創立甘露寺唯甘露不毀取管內諸寺畫壁置於寺內大約有顧愷之畫維摩詰在大殿外西壁

戴安道文殊在大殿外西壁

陸探微菩薩在殿後面

謝靈運菩薩六壁在天王堂外壁

張僧繇神在禪院三聖堂外壁

張僧繇菩薩十壁在大殿兩頭

張僧繇菩薩并神在文殊堂外壁

展子虔菩薩兩壁在大殿外

韓幹行道僧四壁在文殊堂內

陸曜行道僧四壁在文殊堂內前面

唐湊十善十惡在三門外兩頭

吳道子僧二軀在釋迦道場外壁

吳道子鬼神在僧迦和尚南外壁

王陀子須彌山海水在僧伽和尚外壁

顧畫維摩詰初
置甘露寺中後

為盧尚書簡辭所取實於家以匣之大中七年今上因訪宰臣此畫遂詔壽州刺史盧簡辭求以進賜之金帛以畫示百寮後收入內

述古之祕畫珍圖

古之祕畫珍圖固多散逸入間不得見之今粗舉領袖則有

龍魚河圖

六甲隱形圖

五帝鈞命決圖

孝經祕圖

孝經左契圖

孝經雌雄圖

遁甲開山圖

王祭

甘泉宮圖

漢武

漢麟閣圖二

武帝一
宣帝一

鴻都門圖

孔聖七
十子

西王母益地圖

舜

南都賦圖

戴安道

雲漢圖

劉褒

黃帝明堂圖

漢武

五嶽真形圖

漢武

韓詩圖

十四

論語圖

二

蚩尤王子兵法營陣圖

魯班攻戰器械圖

黃帝攻法圖

伍胥水戰圖

吳孫子兵法雲氣圖

五星八卦二十八宿圖

十二星宮圖

三

日月交會九道圖

分野璇璣圖

八

望氣圖

一

河圖

十三又八卷

詩緯圖

春秋圖

一

孝經識圖

十二

浸譚泥圖

七

八卦八風十二時二十八宿音律圖

十一

周公成壞吉凶圖

一

妖怪圖

四

相宅園地圖

一

黃帝樊薛許氏相圖

一

陰陽宅相圖

一

馬像圖

八

三王相鷹圖

一

療馬百病圖

四

老子黃庭經圖

一

大菟神芝圖

十二

黃帝昇龍圖

一

山海經圖

六又鈔圖一

太史公漢書圖

八又漢記圖三太史公畫二十八人

大荒經圖

二十六

河圖括地象圖

十一

天地郊社圖

諸鹵簿圖

不備錄篇
曰至多

古聖賢帝王圖

二 又六

古瑞應圖

二

魏帝所撰雜畫圖

一

魏順應圖

四十

大駕鹵簿圖

三

明帝太學圖

三

列仙傳圖

一

搜神記圖

四 荀

百國入圖

一

地形圖

一 張衡

地形方丈圖

一 裴秀

孫子八陣圖

一

太一三宮用兵成圖

二

渾天宣夜圖

各一

日月交會圖

一 鄭玄註

章賢十二時雲雨氣圖 一

十二屬神圖 一

神農本草例圖 一

周禮圖 十四

周室王城明堂宗廟圖

江圖 三劉氏又
一張氏

吳孫子牝牡八變陣圖 二

黃石公五星圖玄圖 一

占日雲氣圖 京兆夏氏
魏氏並有

二十八宿分野圖 一
風角五音圖

三禮圖 十卷阮謏等撰又十二卷隋文帝開皇二十
年勅有司撰左武侯執旗侍官夏侯朗畫

爾雅圖

上下兩卷陳尚書令江灌字德源至武德中為隋州司馬并著爾雅贊二卷音六卷

忠孝圖

二十卷唐故涼州都督李襲譽貞觀三年撰奏上嘉之并傳贊

漢明帝畫宮圖

五十卷第一起庖犧五十雜畫贊漢明帝雅好畫圖別立畫官詔博洽之

士班固賈逵輩取諸經史事命尚方畫工圖畫謂之畫贊至陳思王曹植為贊傳

益州學堂圖

十畫古聖帝賢臣七十子後代又增漢晉帝王名臣蜀之賢相牧守似東晉時

人所撰

魯廟孔子弟子圖

五是魯國廟堂東西廂畫圖

傳國璽圖

一姚察撰并記

洛陽圖

一名楊官圖狀楊佺期撰

區宇圖

一百二十八卷每卷首有圖虞茂氏撰

職貢圖

一外國商渠諸蕃土俗本末仍各圖其來貢者之狀金樓子言之梁元帝畫

中天竺國圖

有行記十卷圖三卷明慶三年王玄策撰

祥瑞圖

十卷起天有黃道火撰者

符瑞圖

十卷行日月楊廷光并集孫氏熊氏圖

白澤圖

一卷三百二十事出抱朴子黃帝巡東海而遇之

古今藝術圖

五十卷既畫其形又說其事隋煬帝撰

靈秀本草圖

六起赤箭終蜻蜒源平仲撰

本草圖

二十五其形狀蘇
敬撰明慶中事

易狀圖

一

靈命本圖

二

辯靈命圖

一

右略舉其大綱凡九十有七尚未盡載

歷代名畫記卷三